

Ո Ր Ո Շ ՈՒ Մ

Կատարողական վարույթը կասեցնելու մասին

«27» հունվար 2021թ.

ք. Երևան

Հարկադիր կատարումն ապահովող ծառայության Երևան քաղաքի պետական բյուջեի օգտին բռնագանձումների բաժնի ավագ հարկադիր կատարող, արդարադատության ավագ լեյտենանտ Արմինե Գևորգյանս ուսումնասիրելով 07.12.2018թ. հարուցված թիվ 04859021 կատարողական վարույթի նյութերը՝

Պ Ա Ր Զ Ե Ց Ի

ՀՀ Երևան քաղաքի առաջին ատյանի ընդհանուր իրավասության դատարանի թիվ ԵԴ/27003/02/18 կատարողական թերթի համաձայն պետք է Աննա Ղազարյանից հոգուտ պետական բյուջեի բռնագանձել 7.415.580 ՀՀ դրամ՝ որպես պետությանը պատճառված վնաս: Աննա Ղազարյանից հոգուտ պետական բյուջեի բռնագանձել 148.311 ՀՀ դրամ՝ որպես պետական տուրքի գումար: Պարտապանից բռնագանձել նաև բռնագանձման ենթակա գումարի 5 տոկոսը, որպես կատարողական գործողությունների կատարման ծախսի գումար:

ՀՀ Երևան քաղաքի ընդհանուր իրավասության դատարանի կողմից 03.05.2021թ. տրված թիվ ԵԱԲԴ/2731/02/17 կատարողական թերթի համաձայն պետք է Երևան քաղաքի Ա. Խաչատրյան փողոց, 26/3 շենք, 62 բնակարան հասցեում գտնվող անշարժ գույքը հրապարակային սակարկություններով վաճառել, իսկ վաճառքից ստացված գումարը բաշխել ընդհանուր սեփականության մասնակիցների միջև՝ նրանց բաժիններին համաչափ, այն է՝ պատասխանող Աննա Թևանի Ղազարյանի՝ նշված գույքի 1/5 բաժնի չափով, երրորդ՝ անձինք՝ Թևան Գրիգորի Ղազարյանի 1/5 բաժնի չափով, Բալասան Ղարիբի Նահապետյանի 1/5 բաժնի չափով, Դավիթ Թևանի Ղազարյանի 1/5 բաժնի չափով, Լիանա Թևանի Ղազարյանի 1/5 բաժնի չափով:

Հարկադիր կատարումն ապահովող ծառայությունում թիվ ԵԱԲԴ/306/02/16, ԵԱԲԴ/2731/02/17, ԵԱԲԴ/5454/02/15, ԵԴ/20841/02/18, ԵԴ/27003/02/18 կատարողական թերթերի հիման վրա հարուցված կատարողական վարույթներով Աննա Թևանի Ղազարյանից բռնագանձման ենթակա գումարը կազմում է՝ 23.612.140 ՀՀ դրամ:

27.10.2021թ. «Ամինտաս Գրուպ» ՍՊԸ կողմից Ծառայություն է ներկայացվել Երևան քաղաքի, Արաբկիր, Ա. Խաչատրյան փողոց 26/3 շենք, 62 հասցեում գտնվող անշարժ գույքի գնահատման եզրակացությունը, համաձայն որի գույքի շուկայական արժեքը 12.10.2021թ. դրությամբ կազմում է 38.400.000 ՀՀ դրամ, որից 1/5 բաժնեմասը կազմում է 7.680.000 ՀՀ դրամ:

Այլ գույք և դրամական միջոցներ, որոնց վրա օրենքով սահմանված կարգով հնարավոր է բռնագանձում տարածել չեն հայտնաբերվել:

Կատարողական վարույթով ի հայտ են եկել պարտապանի սնանկության հատկանիշներ:

Վերոգրյալի հիման վրա և ղեկավարվելով «Սնանկության մասին» ՀՀ օրենքի 6-րդ հոդվածի 2-րդ մասով, «Դատական ակտերի հարկադիր կատարման մասին» ՀՀ օրենքի 28-րդ, 28.1-րդ հոդվածներով և 37-րդ հոդվածի 8-րդ կետով.

Ո Ր Ո Շ Ե Ց Ի

Կասեցնել 07.12.2018թ. հարուցված թիվ 04859021 կատարողական վարույթը 90-օրյա ժամկետով, վերջանաժամկետ սահմանելով 26.04.2021թ.:

Առաջարկել պահանջատիրոջը և պարտապանին նրանցից որևէ մեկի նախաձեռնությամբ 90-օրյա ժամկետում սնանկության հայց ներկայացնել դատարան.

Սույն որոշումը երկու աշխատանքային օրվա ընթացքում հրապարակել www.azdarar.am ինտերնետային կայքում.

Որոշման պատճենն ուղարկել կողմերին.

Որոշումը կարող է բողոքարկվել վերադատության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված կարգով:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

**ԱՎԱԳ ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ**



Ա. ԳԵՎՈՐԳՅԱՆ